

Naqqiut

Siunnersuummut 16. august 2018-imeersumut taarsiissut

(Naalakkersuisup akisussaasusup taaguutaanik allannguinerit)

Uunga siunnersuut: Avatangiisit innarlitsaaliorneqarnissaanik Inatsisartut inatsisaata allanngortinneqarnissaa pillugu Inatsisartut inatsisaat nr. xx, xx. xxx 2018-imeersoq
(KANUKOKA-p atorunnaarsinneqarnerata malitsigisaanik allanngortitsineq)
(Pinngortitamut, Avatangiisinut Iisimatusarnermullu Naalakkersuisoq)

Saqqummiussissut

(Pinngortitamut, Avatangiisinut Iisimatusarnermullu Naalakkersuisoq)

Siullermeerneqarnera

Avatangiisit allanngutsaaliorneqarnissaat pillugu Inatsisartut inatsisaanni pinngortitap avatangiisillu illersorneqarnissaannik aammalu piujuartitsisussamik inuiaqatigiinni ineriartortitsinerup qulakkeerneqarnissaanik siunertaqarpoq. Tamanna ingerlatassanut avatangiisitsinnik sunniisinnaasunut maleruagassiinikkut pissaaq.

Avatangiisit allanngutsaaliorneqarnissaat pillugu Inatsisartut inatsisaat naapertorlugu aalajangiinerit Avatangiisit Innarlitsaaliorneqarnissaat pillugit Naammagittaalliuuteqartarfimmumut naammagittaalliuutigineqarsinnaapput. Avatangiisit Innarlitsaaliorneqarnissaat pillugit Naammagittaalliuuteqartarfik pingasunik ilaasortaqarpoq. Naalakkersuisut Inatsisartunit inassuteqarneq malillugu siulittaasumik, kiisalu ilaasortanik marlunnik toqqaasarput, taakkunanga ataaseq maannamut Kalaallit Nunaanni Kommunit Kattuffiannit (KANUKOKA) inassutigineqartarsimalluni. Ilaasortanut ataasiakkaanut tamaginnut sinniisussamik toqqaasoqartarpoq. KANUKOKA ulloq 31. juli 2018 atorunnaarsinneqarpoq, taamaattumik KANUKOKA naammagittaalliuuteqartarfimmi ilaasortassamik inassuteqarsinnaajunnaarpoq.

Inatsisissatut siunnersuut malillugu kommunit siunissami ataatsimoorlutik, nalinginnaasumik amerlanerussuteqartut akuersinerisigut, Avatangiisit Innarlitsaaliorneqarnissaat pillugit Naammagittaalliuuteqartarfimmi ilaasortassamik taassumalu sinniisussaannik inassuteqartartussaassapput.

Allanngortitsinermi siunertaavoq, kommunit avatangiisit Innarlitsaaliorneqarnissaat pillugit Naammagittaalliuuteqartarfimmi sunniuteqarnerisa attatiinnarnissaata ingerlateqqinnissaatalu qulakkeerneqarnissaa. Naammagittaalliuuteqartarfiup kommunit ilisimasaannik misilittagaannillu atorluaasinnaanissaa pingaaruteqarpoq.

Taamatut oqaaseqarlutik Naalakkersuisut siunnersuutip Inatsisartuni kajumittumik suliarineqarnissaa inassutigaat.